



經籍典第三百十七卷

經學部彙考七

經義考二 易經

王朗易傳

佚

魏志王朗字景興東海郡人

董遇周易註

注

七錄十卷釋文序錄作章句

佚

魏略遇字季直

魏志遇字季直

陸德明曰遇弘農華陰人

朱震曰天地之數五十有五董遇謂其六以象六畫之數減卦之

六畫爲四十九不知五十有五天地之極數大衍之數五十其一太極不動而四十九運而爲八

卦重而六十四若去六畫卽說不通

按董氏易注君子體仁作體信與京氏荀氏同衷多益

寡衷作桴與鄭氏荀氏同洗心退藏于密洗作先與京氏荀氏虞氏張氏同夫坤隤然示人簡矣

隤作妥與陸氏姚氏同餘如拔茅茹以其彙征彙作賁賁如皤如皤作槃君子得輿作車婦喪其

莠作筭爲乾卦作幹卦與諸家別

劉邠易注

佚

管輅別傳故郡將劉邠字令先好易而不能精

管輅周易通靈決

注

隋志五行家二卷

佚

周易通靈要決

注

隋志五行家一卷

佚

周易林

注

隋志五

行家四卷

佚

隋書魏少府丞管輅撰

趙汝楨曰梁丘賀以占筮顯名漢宣時費直長於卦筮

高相專說災異其後虞翻闢子明之徒尤注意於占至管輅雖分筮八卦乃絕口不及易中辭義

矣 胡一桂曰公明精於卦筮窮極幽微占言吉凶禍福無毫髮爽雖以射覆說相一皆神妙

郝敬曰管輅分筮占象援引易理自謂得其源遂涉其流然此實一人一家之學其於民義物則

至德要道無與焉聖人所謂隱怪弗為者也

鍾會周易无互體論

注

七錄三卷

佚

周易盡神論

注

隋志一卷

佚

魏志鍾會字士季潁川長社人

孫盛曰荀顗嘗難會易无互體見稱於世

王肅周易注

注

隋志十卷

佚

周易音

佚

魏志肅字子雍

李延壽曰鄭元易大行于漢北王肅

易亦間行焉

陸德明曰子邕東海蘭陵人魏衛將軍太常蘭陵景侯又注尚書禮喪服論語

孔子家語述毛詩注作聖證論以難鄭元 又曰為易音者三人王肅李軌徐邈

王應麟曰

王肅注易十卷今不傳釋文云自繫辭訖于雜卦肅本皆有傳字漢儒林傳云孔子晚而好易讀

之韋編三絕而爲之傳肅本是也其注噬乾肺得金矢曰四體離陰卦骨之象骨在乾肉肺之象金矢所以獲野禽故食之反得金矢君子於味必思其毒于利必備其難見太平御覽 胡一

桂曰王肅撰定其父成侯朗所作易傳列于學官本義所引有曰王肅本者是也 又曰王肅注

周易十卷崇文總目乃十一卷題王肅傳後人纂陸德明釋文所取者附益之非肅本書 按

王氏易注易音皆不傳見于釋文所引者六爻發揮作輝其惟聖人乎作愚人後結始作聖人卽

鹿作麓雲上於天作雲在天上致寇至寇作戍繫帶作繫帶承天寵也寵作龍比之匪人作匪人

凶天下隨時作之隨時之義作隨之時義君子以嚮晦入宴息嚮作鄉君子以振民育德育作毓

有子考无啟以考絕句盟而不薦作觀薦王用出征以正邦也下更有獲匪其醜大有功也八字

有戾憊也憊作斃羸其角羸作縲不詳也詳作祥失得勿恤作得失勿恤夷於左股作般其人天

且劓作劓中行告公用圭作用恆圭后以施命誥四方誥作詰繫于金柅作柅來徐徐作余余劓

則作艤艤女歸吉也作女歸吉利貞君子以居賢德善俗作善風俗天際翔也翔作祥乾知大始

大作泰而成位乎其中矣而下有易字範圍天地之化作犯違開物成務開作闔洛出書作雒天

地之大寶曰人作仁妙萬物而爲言妙作眇爲臭作爲香臭蠱則飭也飭作節自繫辭上訖于雜卦皆有傳字與諸家多不同

王弼周易注

注隋志六卷七錄十卷存

何劭曰弼註易往往有高麗言太原王濟好談易老莊常

云見弼易注所悟者多然弼爲人淺而不識物情

宋祁曰王弼著易直發胸臆不如鄭康成

等師承有自

金君卿曰弼出于馬鄭馬鄭出于費氏

司馬光曰輔嗣好以老莊解易恐

非易之本旨其以雷動風行運變萬化爲非天之心然則爲此者果誰耶

朱子曰王弼周易

巧而不明

又曰古易彖象文言各在一處至王弼始合爲一後世諸儒遂不敢與移動

周易略例

注

隋志一卷新舊唐書合周易注作七卷

存

邢璣曰略例者舉釋綱目之名統明文理

之稱略不具也例舉並也輔嗣以先儒注二十餘家雖小有異同而迭相雜述推比所見特殊故作略例以辨諸家之惑錯綜文理略錄之也

項德棻曰王輔嗣周易略例明象辨位二篇淵

乎邃也邢氏稱其總一部之指歸明六爻之得失可以經天緯地探測鬼神推辟咎悔自博士宗宋而此書塵土矣

沈珩曰輔嗣明卦明爻諸篇舉義明澈不特掃象占之溺亦出漢經訓詁



上

周易窮微論

注

通志一卷

佚

易辨

注

中興書目一卷

佚

國史志王弼論易一卷大類略例而不及

孫炎周易例

佚

魏志樂安孫叔然授學鄭元之門人稱東州大儒裴松之曰叔然與晉武帝同名

故志稱其字

荀暉周易注

注

七錄十卷

佚

荀氏家傳暉字景文太子中庶子

魏志暉官至虎賁中郎將

阮籍通易論

注

宋志一卷

存

魏志籍才藻豔逸而倜儻放蕩以莊周爲模則胡一桂曰阮嗣

宗易通論一卷凡五篇

嵇康周易言不盡意論一篇

佚

晉書嵇康字叔夜譙國鉅人拜中散大夫

虞翻周易注

注

隋志九卷釋文序錄十卷

闕

吳志虞翻字仲翔會稽餘姚人宋咸曰先儒如

虞翻崔憬輩之用互體京房鄭顓輩之用五行皆去聖人遠矣

王應麟曰虞翻注說卦乾坤

五貴三賤故定位艮兌同氣相求故通氣震巽同聲相應故相薄坎戊離巳月三十日一會于壬

故不相符坤消從午至亥故順乾息從子至巳故逆蓋用納甲卦氣之說

易律歷

注

隋志五行家一卷

佚

周易集林

注

隋志五行家一卷

佚

周易日月變例

注

隋志五卷

佚

按虞氏世治孟氏易然釋文所引其文或不盡依孟氏若陰凝于陽爲其暎于无陽也則同荀氏本彙其角得失勿恤治容作野則同鄭氏本萃亨无亨字則同馬氏鄭氏本易以工則同京氏本先心則依京氏荀氏本餘若匪其彭作疋明辨晷也作析朋盍簪作戡咸其輔作醕滕口說也滕作滕已事遄往已作紀剛揜也作弇坤作成物作坤化繫辭焉而明吉凶下有悔吝二字剛柔者晝夜之象作晝夜者剛柔之象也易之序也作象所樂而玩者作所變樂天知命作變天慢藏誨盜治容誨淫作悔天地之文作爻爲龍作駝爲科上槁科作折謙輕而豫怠也怠作怡與諸家不同凡九卷雖不傳而李氏集傳採摭獨詳錄之尙可得二三卷

陸續周易註

注

隋志十五卷釋文序錄新舊唐志十三卷會通一卷

佚

注京氏易三卷

存

吳志陸

績字公紀吳郡吳人爲鬱林太守

按陸氏易注已亡今鹽邑誌林載有一卷乃係抄撮陸氏

釋文李氏集解二書爲之所存者幾希矣其經文異諸家者履帝位而不疚作疾明辨晷也晷作逝納約自牖作誘喪羊於易作場婦子嘻嘻作喜喜君子以懲忿窒欲作療欲吾與爾靡之作縻

之三年克之懋也作備也曹侍郎曾見藏書家有存三卷者惜侍郎沒無從訪求矣

程秉周易摘

佚

吳志程秉字德樞汝南南頓人

姚信周易注

注

隋志十卷

佚

阮孝緒曰姚信字元直吳興人吳太常卿

陸德明曰信字德祐

按阮氏七錄有姚信集二卷又嘗著士緯十卷吳志陸績傳注有表請賜續女鬱生以義姑之號又陸遜傳姚信以親附太子枉見流徙又孫和傳寶鼎二年十二月遣守丞相孟仁太常姚信等備官僚中軍步騎二千人以靈輿法駕東迎神於明陵又晉書范平傳平研覽墳索遍該百氏姚信賀部之徒皆從受業又南史姚察傳讓選部書曰臣九世祖信名高往代云云今易注已亡見於釋文者盱豫作盱云日始出引詩盱日始旦夷于左股作右君子以順德作得折其右肱作股聞其无人作闐日月運行作違行言語以爲階作機貞勝者也作貞稱爲弓輪作倫爲羸作蠡

何晏周易私記

注

隋志二十卷

佚

周易講說十三卷

佚

冊府元龜何晏撰

尚廣周易雜占

注

隋志五行家九卷唐志八卷

佚

翟元易義

佚

九家易作翟子元

佚

陸德明

曰子元不詳何人爲易義

按翟氏易義先張之弧後說之弧弧亦作靈暢號作錫號云賜也



來徐徐作茶茶云內不定之意正位凝命作擬命云度也

張氏易義

佚

按張氏易見九家易注不詳其名陸氏釋文載有張倫本直方大上有易曰二字舍

車而徒車作輿實于叢棘實作置振恆作震恆羸其角羸作羸婦子嘻嘻作嬉嬉往蹇來譽宜待也待作時範圍天地作犯違云猶裁成也未審卽其人否考之序錄又未列其姓氏不敢臆定也

朱氏易義

佚

王應麟曰荀爽九家集注之內又有張氏朱氏

按李鼎祚集解引諸家易中有

朱仰之疑卽其人

楊氏周易集二王註

注

隋志五卷

佚

周易馬鄭二王四家集解

注

隋志十卷

佚

裴秀易論

佚

文章敘錄秀字季彥年二十五爲黃門侍郎

衛瓘易義

佚

晉書瓘字伯玉河東安邑人

王宏易義

佚

晉書王宏字正中高平人

鄒湛周易統略

注

隋志五卷唐志統略論三卷

佚

晉書湛字潤甫南陽新野人

劉兆周易訓注

佚

晉書劉兆字延世濟南東平人

向秀周易義

佚

按向氏易文王以之依鄭氏荀氏本作似

阮咸周易難答論

注

唐志二卷

佚

晉書咸字仲容

應貞明易論

注

唐志一卷

佚

晉書應貞字吉甫汝南南頓人

王濟周易義

佚

晉書王濟字武子善易

皇甫謐易解

佚

晉書皇甫謐字士安安定朝郡人

阮渾周易論

注

隋志二卷釋文序錄論作義

佚

陸德明曰阮渾字長成籍之子晉太子中庶子馮

翊太守爲易義

袁準周易傳

佚

袁氏世紀字孝尼著書十餘萬言爲周易傳

庾運易義

佚

陸德明曰庾運字元度新野人官至尚書

郭琦注京氏易一百卷

佚

開府元龜郭琦字公偉爲著作佐郎註穀梁春秋京氏易百卷鄉人王

游等皆就琦學

徐苗周易筮占

注

唐志五行家二十四卷

佚

晉書徐苗字叔胄高密淳于人

欒肇周易象論

注

隋志三卷

佚

陸德明曰肇字太初晉太保掾尚書郎爲易論

李充周易音六篇

佚

晉書李充字弘度江夏人

王廙周易注

注

隋志三卷七錄十卷釋文序錄十二卷

佚

晉書王廙字世將丞相導從弟

按

王氏易注明辨晳也晳作晰利見侵伐作寢伐繻有衣襦繻作襦見釋文又其注云駁馬能食虎

豹取其至健也正義引之又艮爲徑注云物始改爲徑路又震爲大塗注云大塗萬物所生太平

御覽引之

楊父周易序論

注

隋志一卷新舊唐志同

佚

陸德明曰父字元舒汝南人晉司徒左長史

王

應麟曰御覽嘗引之

按徐堅初學記引父易卦序論云險而止山也險而動泉也動靜皆蒙

險故曰山

郭璞周易洞林

注

隋志五行家三卷

佚

易新林

注

隋志五行家九卷又四卷

佚

周易林

注

七錄五行

家六卷

佚

易立成林

注

隋志五行家二卷

佚

周易元義經

注

宋志一卷

佚

易斗圖

注

隋志五行家一

卷

佚

易八卦命錄斗內圖

注

隋志五行家一卷

佚

晉書郭璞字景純河東閭喜人

王廙曰璞

之爻筮雖京房管輅不過也

按郭氏洞林初學記嘗引之雙湖胡氏撰啟蒙翼傳云世罕有

其書從王楚翁才古抄得之則元時此書尙存也洞林之文有三言者如簪非簪釵非釵有四言者如同人之革曰朱雀西北白虎東起奸猾銜璧敵人束手占行得此是謂无咎隨之升曰虎在山右馬過其左駁爲功曹猾爲主者垂耳而潛不敢來下爻升虛邑遂釋魏野豫之小過曰五月晦日羣魚來入州城寺舍旣濟曰小狐汔濟垂尾累衰初雖偷安終無所依案卦言之秋吉春悲又有七言者如否曰乾坤閉塞道消長虎刑挾鬼法凶亂亂則何時時建寅僵尸交林血流漂此占行者入塗炭小過之坤曰小過之坤卦不奇雖有卦氣變陽離初見勾陳被牽羈暫過則可羈不宜將見刼追事幾危賴有龍德終无疵遯之始曰卦象出墓氣冢囚變身見絕鬼潛游爻墓充刑鬼煞俱卜病得此歸蒿丘誰能救之坤上牛若依子色吉之尤賁之豫曰時陰在初卦失度殺陰爲刑鬼入墓建未之月難得度消息卦爻爲扶助馮馬之師乃寡嫗自然奇救宜殮鬼子若恤之得守故豫之解曰有釜之象无火形變見夜光連月精潛龍在中不游行案卦卜之藻盤鳴金爻所馮无咎屢驗其占法靡不奇中所謂林者自爲韻語占決之辭猶存左氏傳遺意

葛洪周易雜占注 七錄五行家十卷佚 晉書葛洪字稚川丹陽句容人

孫盛易象妙於見形論一篇佚 晉書孫盛字安國太原中都人

袁宏周易略譜注 舊唐書志一卷新唐志同佚 晉書袁宏字彥伯

宣舒通易象論注 唐志一卷陸氏經典序錄作通知來藏往論佚 陸德明曰舒字幼驥晉宜城令

爲通知來藏往論

孫輝易義佚 陸德明曰輝字義充梁國人晉侍中平陵亭侯

杜育易義佚 陸德明曰育字方叔襄城人晉國子祭酒

楊瓚易佚 陸德明曰瓚晉司徒右長史

邢融易義佚 裴藻易義佚 許適易義佚 楊藻易義佚 陸德明曰四人不詳何人並爲易義

張軌易義佚 崔鴻曰軌字士彥安定烏氏人漢常山王耳十七世孫涼州刺史謚武穆 按涼

武公易得其資斧資作齊云齊斧黃鉞斧也

張璠周易集解注 七錄十卷隋志八卷新舊唐志十卷佚 略論一卷佚 按璠易注有險而止山也

險而動泉也御覽引之

干寶周易注注隋志十卷佚周易宗塗注七錄四卷佚周易爻義注隋志一卷佚周易問難二卷佚

周易元品二卷佚按隋志周易元品二卷不注撰人姓名當卽干氏又有王氏周易問難二卷疑

譌干爲王其文水洊至洊作薦豐其沛作韋云祭祀之敝膝爲科上稟作熇干氏易已無傳惟散

見於陸氏釋文李氏集解近海鹽胡氏抄撮其僅存者刊行之

黃穎周易註注隋志四卷七錄唐志十卷佚陸德明曰南海人晉廣州儒林從事按黃氏易

賁於丘園賁作世豚魚作遯魚

徐邈周易音注隋志一卷佚晉書徐邈東莞姑幕人按徐氏諸經皆有音顏氏家訓書證音

辭篇引之

范宣周易論難佚晉書范宣字宣子陳留人

李頤周易卦象數旨注七錄六卷佚晉書克子頤郡舉孝廉亦有文義多所著作陸德明曰

頤字長林江夏人東晉本郡太守



顧夷等周易難王輔嗣義

注七錄一卷

佚隋志晉揚州刺史顧夷等撰

李軌周易音

注隋志一卷

佚陸德明曰字弘範江夏人東晉祠部郎中都亭侯

李悅之易音

佚

晉書悅之字元禮陳郡陽夏人

冊府元龜悅之註繫辭又爲易音

范長生周易註

注

隋志十卷作蜀才舊唐志同

佚

顏之推曰易有蜀才註江南學士遂不知是何

人王儉四部目錄不言姓名題云王弼後人謝旻夏侯該並讀數千卷皆疑是譙周而李蜀書一

名漢之書云姓范名長生自稱蜀才

十六國春秋西山范長生善天文有術數民奉之如神

按釋文引蜀才註大車以載作大輿官有渝官作館君子以明庶政明作命大耋作啞羸其

角羸作累箕子之明夷箕作其二簋作軌懲忿窒欲懲作證壯于頄作仇竟陸夫夫陸作睦繫于

金梃作尼乎乃利用禴作躍在天成象成作盛知崇禮卑禮作體參天兩地而倚數作奇數

宋明帝集羣臣講易義疏

注

隋志十九卷七錄唐志二十卷

佚

國子講易議

注

七錄六卷

佚

隋志

周易義疏宋明帝集羣臣解

荀柔之易音

佚

陸德明曰潁川潁陰人宋奉朝請

按釋文議之而後動荀本作儀之

雷次宗周易註

佚

豫章古今記次宗字仲倫入廬山事沙門惠遠

何譔之周易疑通

注

七錄五卷

佚

阮孝緒曰宋中散大夫何譔之撰

張浩周易占

注

隋志一卷

佚

按南史張暢子浩官至義陽王昶征北諮議參軍

徐爰易音

佚

寶蒙曰爰字長玉宋大中大夫

范歆周易義

注

隋志一卷

佚

隋志宋陳令范歆撰

齊國學周易講疏

注

七錄二十六卷

佚

阮孝緒曰齊永平中國學講

祖沖之易義

佚

南齊書沖之字文遠范陽薊人

顧歡注王弼易

佚

南齊書歡字景怡吳郡鹽官人

沈麟士易經要略

佚

南齊書麟士字雲禎吳興武康人

徐伯珍周易問答

注

隋志一卷

佚

南齊書伯珍字文楚東陽太末人

周顒周易論

注

隋志十卷七錄三十卷

佚

南史顒字彥倫顒七世孫

梁武帝周易大義

注

隋志二十一卷

佚

大義疑問

注

唐志二十卷

佚

周易講疏

注

隋志三十五卷

佚

梁書高祖洞達儒元雖萬幾多務猶卷不釋手

簡文帝易林十七卷

佚

南史帝博綜羣言善談元理弘納文學之士賞接無倦

元帝周易講疏

注

梁書十卷

佚

連山

注

隋志三十卷

佚

洞林

注

隋志三卷

佚

筮經

注

梁書十二卷

佚

南史元帝性愛書籍注周易講疏十卷連山三十卷筮經十二卷

南平王蕭偉周易幾義

注

隋志一卷

佚

周易發義

注

唐志一卷

佚

梁書南平元襄王偉字文達

祖第八子也

蕭歸周易義記

佚

隋書歸字仁遠梁昭明太子統之孫也

蕭子政周易義疏

佚

冊府元龜蕭子政爲都官尙書撰周易義疏十四卷繫辭義疏三卷

伏曼容周易注

注

七錄八卷

佚

周易集林

注

唐志十二卷又一卷

佚

南史伏曼容字公儀平昌

丘人

陶弘景易髓

注

宋志三卷

佚

南史陶弘景字通明丹陽秣陵人

褚仲都周易講疏

注

隋志十六卷

佚

南史仲都錢塘人

按褚氏易錢唐全緩弘立受之正義